



www.qbz.gov.al

FLETORJA ZYRTARE E REPUBLIKËS SË SHQIPËRISË



Botim i Qendrës së Botimeve Zyrtare

Viti: 2024 – Numri: 109

Tiranë – E hënë, 1 korrik 2024

PËRMBAJTJA

	Faqe
Vendim i Këshillit të Ministrave nr. 439, datë 1.7.2024	
Për shpalljen ditë zie kombëtare në nderim të të ndjerit, Ismail Kadare, personalitet i shquar i letrave shqipe.....	11403



VENDIM
Nr. 439, datë 1.7.2024

PËR SHPALLJEN DITË ZIE
KOMBËTARE NË NDERIM TË TË
NDJERIT, ISMAIL KADARE,
PERSONALITET I SHQUAR
I LETRAVE SHQIPE

Në mbështetje të nenit 100 të Kushtetutës, të pikës 4, të nenit 4, të ligjit nr.8926, datë 22.7.2002, “Për formën dhe përmasat e flamurit kombëtar, përmbajtjen e himnit kombëtar, formën dhe përmasat e stemës së Republikës të Shqipërisë dhe mënyrën e përdorimit të tyre”, dhe të pikës 12, të kapitullit VI, të ceremonialit shtetëror të Republikës së Shqipërisë, të miratuar me vendimin nr.420, datë 8.6.2016, të Këshillit të Ministrave, të ndryshuar, me propozimin e Kryeministrit, Këshilli i Ministrave

VENDOSI:

1. Shpalljen ditë zie kombëtare të martën dhe të mërkurën, përkatësisht, në datat 2 dhe 3 korrik 2024, në nderim të të ndjerit, Ismail Kadare, personalitet i shquar i letrave shqipe.

2. Në të gjitha institucionet shtetërore dhe publike të ulet flamuri kombëtar në gjysmështizë.

3. Homazhet publike dhe ceremonia shtetërore të organizohen në mjediset e Teatrit Kombëtar të Operas, Baletit dhe Ansamblit Popullor, Tiranë, ditën e mërkurë, datë 3.7.2024, përkatësisht, nga ora 9:00 deri në orën 11:00, dhe nga ora 11:30 deri në orën 12:30.

4. Në orën 13:00, datë 3.7.2024, në nderim të tij të ndërpritet çdo veprimtari dhe të mbahet një minutë heshtje.

5. Radiotelevizioni Shqiptar, gjatë orëve të kryerjes së homazheve dhe ceremonialit shtetëror, të transmetojë muzikë funebre.

6. Për organizimin e homazheve dhe të ceremonisë shtetërore ngrihet Komisioni i Posaçëm Shtetëror nën mbikëqyrjen e Kryeministrit, i cili në përbërje të ketë:

-Ministrin e Ekonomisë, Kulturës dhe Inovacionit;

- Ministrin e Mbrojtjes;

- Ministrin e Brendshëm;

- Kryetarin e Bashkisë Tiranë;

- Drejtorin e Protokollit të Shtetit;

- Drejtorin e Përgjithshëm të Policisë së Shtetit;

- Komandantin e Gardës së Republikës së Shqipërisë;

- Drejtorin e Drejtorisë së Shërbimeve Qeveritare;

- Përfaqësues nga Kabineti i Kryeministrit;

- Përfaqësues nga zyra e Shtypit të Kryeministrit.

7. Ngarkohet Protokollit i Shtetit që të krijojë dhe të drejojë grupin e punës, përgjegjës për ndjekjen dhe zbatimin e masave organizative të homazheve dhe të ceremonialit shtetëror.

8. Shpenzimet e varrimit, të homazheve dhe të ceremonialit të përballohen nga Ministria e Ekonomisë, Kulturës dhe Inovacionit.

Ky vendim hyn në fuqi menjëherë dhe botohet në Fletoren Zyrtare.

KRYEMINISTËR
Edi Rama

Formati 61x86/8

Shtypshkronja e Qendrës së Botimeve Zyrtare
Tiranë, 2024

Adresa: Rr. "Nikolla Jorga", Tiranë
Tel./fax: +355 4 24 27 004 Tel.: +355 4 24 27 006



Çmimi 16 lekë